

Evening Dogri (NSD) Bulletin 15-03-2024

आकाशवाणी

खास खबरां

- 1 केन्द्र सरकार मुख्य च ई-वाहने दे निर्माण गी बढ़ावा देने आस्तै ई-वाहन नीति लेइयै आई ऐ।
- 2 चुनां आयोग कल लोकसभा चुनां 2024 लेई कार्यक्रम दा ऐलान करी देग।
- 3 पैट्रोलियम ते कुदरती गैस सरबन्धी मंत्रालय दे केन्द्री मंत्री हरदीप सिंह पुरी होरें नमीं दिल्ली च वैकलिपक ऑटो ईधन इथेनॉल 100 दी शुरूआत कीती।
- 4 भारतीय जनता पार्टी दे वरिष्ठ नेता ते प्रधानमंत्री नरेन्द्र मोदी होरें केरल दे पथानाम थिट्टा जिले च लोकसभा चुनां अभियान सरबन्धी कार्यक्रम च हिस्सा लैता। राज्य च एनडीए दे अभियान गी बढ़ावा थ्होग।
- 5 राष्ट्रपति द्रौपदी मुर्मू होरें आक्खेआ जे भारत भूटान कन्नै अपनी बक्ख-बक्ख खेत्तरें आली सांझ-ीयाली दी बड़ी कदर करदा ऐ।
- 6 विदेश मंत्रालय नै आक्खेआ ऐ जे नागरिकता संशोधन कनून भारत दा अंदरूनी मामला ऐ ते एह भारत दी समावेशी परम्पराएं ते मनुक्खी अधिकारें प्रति लम्मी अवधि आली वचनबद्धता गी दर्शादा ऐ।

<><><><><><>

E-Vehicle Policy

केन्द्र सरकार मुख्य च ई-वाहनें दे निर्माण गी बढ़ावा देने आस्तै ई-वाहन नीति लेइयै आई ऐ। इसदा मकसद ई-वाहनें दे क्षेत्र च निवेश आकर्शित करना ऐ। इस नीति दी मदद कन्नै मेक इन इंडिया पैहल कन्नै गै भारतीय उपभोक्ताएं दी नमीं तकनीकें तगर पुज्ज जकीनी बनी सकोग। इस नीति दा मकसद ई-वाहन दे क्षेत्र

च सेहतमंद मकाबलेंबाजी गी प्रोत्साहन दिंदे होई इलैक्ट्रिक गडिडएं दे उत्पादन ते अर्थबवस्था गी बढ़ावा देना ऐ। ई-वाहन नीति दा मकसद क्रूड ऑयल दे आयात, बपार घाटे ते वायु प्रदूषण गी घट्ट करना ऐ। कंपनिएं आस्तै घट्टोघट्ट निवेश दी हद 4 ज्हार 150 करोड़ रपे रक्खी गई ऐ। जिसलै के मते थमां मता निवेश करने दी कोई हदद नेइ ऐ। कपनिएं कश विनिर्माण सुविधा तैआर करने ते ई-वाहन दा व्यावसायिक उत्पादन शुरू करने आस्तै 3 ब'रे दा समां लग्गोग। इस योजना तैहत हद ब'रे 8 ज्हार थमां मते ई-वाहने दा आयात करने दी इजाजत नेई होग।

<><><><><><>

National Time Protocol

केन्द्रीय उपभोक्ता मामले दे मंत्री पीयूष गोयाल होरें मुंबई च भारतीय मानक समें दे विस्तार आस्तै राष्ट्रीय समें प्रोटोकॉल एनटीपी दा उद्घाटन कीता। इसदे कन्नै मिली सैकंड सटीकता कन्नै समान ते सटीक समें दी जानकारी थ्होग ते साइबर सुरक्षा बी बधोग। लोक इसदी time.nplindia.in पर जानकारी लेई सकदे न। गोयल होरें फरीदाबाद ते अहमदाबाद च क्षेत्रीय संदर्भ मानक प्रयोगशाला आरआरएसएल च सरबंधी ढांचे दा बी उद्घाटन कीता। सीएसआईआर राष्ट्रीय भौतिक प्रयोगशाला दे भारतीय मानक समें प्रभाग दे प्रमुख डॉ. आशीष अग्रवाल होरें आकाशवाणी कन्नै गल्लबात च आक्खेआ जे भारती समें वितरण प्रणाली लागू करने आला पैहला मुख्य ऐ। साल दे खीरले तगर बैंगलुरु, भुवनेश्वर, गोवाहाटी ते दिल्ली च आरआरएसएल च परमाणु घड़ी लाई दित्ती जाग।

<><><><><><>

Commerce Trade Data

भारत दे कुल निर्यात च पिछले किश म्हीने च टकोहदा बाद्धा दर्ज कीता गेआ ऐं इस ब'रे फरवरी च मुख्य दा कुल निर्यात 73.55 अरब डॉलर रेआ ऐ जेहड़ा इसदे

थमां पिछले ब४रे दी इस्सै अवधि थमां 14 फीसद मता ऐ। इसदे च चीजें दा निर्यात 41.40 अरब डॉलर ते सेवा क्षेत्र दा निर्यात 32.15 अरब डॉलर रेआ। वाणिज्य सचिव सुनील बर्थवाल होरें संवाददाताएं गी दस्सेआ जे वैश्विक यक्को तक्की बश्कार भारत दा निर्यात सब्बने अनुमानें थमां बेहतर रेआ ते पिछले 11 म्हीने च एह सब्बने थमां मता ऐ। उनें आक्खेआ जे फरवरी दे आंकड़े पिछले ब'रे दी अवधि थमां मते न, जेहड़े चुनौतिएं दे बावजूद मुख्य दे कारोबार क्षेत्र च मजबूत प्रदर्शन गी दर्शादा ऐ।

<><><><><><>

ECI-Lok Sabha

चुनां आयोग कल लोकसभा चुनाएं लेई कार्यक्रम दा ऐलान करी देग। नमीं दिल्ली दे विज्ञान भवन च कल इस बारे घोषणा करी दित्ती जाग। लोकसभा चुनाएं दे कन्नोकन्नी चुनां आयोग किश राज्यें च असैंबली दे चुनाएं लेई बी कार्यक्रम दी घोषणा करोग। मजूदा लोकसभा दा कार्यक्रम इस ब'रे 16 जून गी मुक्का करदा ऐ। ब'रे 2019 च लोकसभा दे चुनां अप्रैल ते मई म्हीने दरान कुल 7 गेड़ च करोआए गे हे। इस बारी बी एह मेद कीती जा'रदी ऐ जे लोकसभा दे चुनां अप्रैल ते मई म्हीने 7 गेड़ें च गै करोआए जाई सकदे न। पिछले लोकसभा चुनाएं च बीजेपी नै कुल 543 सीटें चा 303 सीटां जित्तियां हियां ते इस बारी ओह 370 सीटें दा लक्ष्य लेइयै अपने 267 मेदवारें दे नाएं दा ऐलान करी दित्ते दा ऐ जदके कांग्रेस नै अजे शड़े 82 मेदवार गै घोषत कीते दे न। एहदे अलावा लेफ्ट, टीएमसी, आम आदमी पार्टी ते किश होरने पार्टिं बी अपने किश मेदवारें दे नाएं दा ऐलान करी दित्ते दा ऐ।

<><><><><><>

Ethanol 100 Alternate

पैट्रोलियम ते कुदरती गैस सरबन्धी मंत्रालय दे केन्द्री मंत्री हरदीप सिंह पुरी होरें नमीं दिल्ली च वैकल्पिक ऑटो ईंधन इथेनॉल 100 दी शुरूआत कीती। इस मौके पर पुरी होरें आकखेआ जे इथेनॉल 100 जनेहें हरित ईंधन पर मोदी सरकार नै खास ध्यान दित्ता ऐं एह् मुख दे आर्थिक बाद्धे गी बनाई रखने च महत्वपूर्ण भूमका नभाग। इस वैकल्पिक इंधन कन्नै ग्रीस हाउस गैसे दा घट्ट उत्सर्जन होग ते जलवायु बदलाव दे असर गी घट्ट करने ते हवा दी गुणवत्ता च सुधार करने च मदद थहोग। प्रमुख दो पहिया वाहन निर्माण कंपनिं पैहले थमां गै इथेनॉल 100 गड्डिं दा परीक्षण करा'रदियां न। इक पायलट प्रोजेक्ट दे तौर पर इंडियन ऑयल उत्तर प्रदेश, महाराष्ट्र, कर्नाटक, तमिलनाडू ते दिल्ली जनेह् इथेनॉल समृद्ध राज्ये च 183 खुदरा दुकानें पर इथेनॉल 100 पेश करा'रदा ऐ।

<><><><><><>

Sitharaman-Economy

खजाना मंत्री निर्मला सीतारमण होरें आकखेआ जे सिद्धा विदेशी निवेश औना अपने चरम उप्पर ऐ ते एह् अगगे होर बधोग। इक निजी समाचार चैनल दे कनक्लेव च बोलदे होई सुश्री सीतारमण होरें केन्द्र, राज्य ते मकामी निकाय बशकार समूलचे क्षेत्रे च सुधारें लेई आपूंचै तालमेल बनाए रखने दी जरूरते उप्पर जोर दित्ता। उनें अगगे आकखेआ जे लोकें गी बुनियादी सहूनतां देइयै उनेंगी सशक्त करना अपने आप गै हक्क थहोने दे बारे पता लगगोग। उनें आकखेआ जे सरकार नमें युग दी टैक्नालोजी जिस च मसनुई, ज्ञान ते ड्रोन टैक्नालोजी शामिल न, च कौशल सिखलाई ताई बड्डी उपलब्धि ते उंचाई गी हासल करा'रदी ऐ। खजाना मंत्री होरें अगगे आकखेआ जे सरकार बक्ख-बक्ख योजनाएं घरेलू बचत ते उपभोगता खर्चे बधाने लेई इस्तेमाल करा'रदी ऐ। सियासी पार्टिं आकखेआ जे मुफ्त आलिं नीतिं दे बारे बोलदे होई खजाना मंत्री होरें बरोधी घडें गी वोट किट्ठे करने लेई नेई अपनाने जोग नीतिं गी आनने लेई निंदेआ कीती। उनें भ्रष्टाचार उप्पर काबू पाने लेई प्रधानमंत्री हुंदे नजरियै गी सराहेया। उत्तर दक्षिण आली बंड उप्पर बैहसु ताई सुश्री सीतारमण होरें रिआसती पार्टिं दा केन्द्रीय

सरकार उप्पर हमले दा तरीका दस्सेआ ते उनेंगी इयै नेया सियासी षडयंत्र रचने दा दोष लाया।

<><><><><><>

ECC

नमें नियुक्त कीते गेदे चुनां आयुक्त ज्ञानेश कुमार ते सुखबीर सिंह संघु होरें अज्ज अपना काग्रभार सीगी लैता ऐ। भारती चुनां आयोग नै इक ब्यान च आकखेआ ऐ जे मुख चुनां आयुक्त राजीव कुमार होरें निर्वाचन सदन च नमें नियुक्त चुनां आयुक्तें दा सुआगत कीता। मुख चुनां आयुक्त होरें आकखेआ जे दौनें नमें चुनां आयुक्तें दी नियुक्ति दा एह समां बड़ा महत्वपर्ण ऐ की जे भारती चुनां आयोग दुनिया दे सब्बनें शा बड्डे लोकतंत्र च लोकसभा दे चुनां करोआन जा'रदा ऐ। प्रधानमंत्री नरेन्द्र मोदी हुंदी अगुवाई आले पैनल आस्सेआ कल नमें चुनां आयुक्तें गी नियुक्त कीता गेआ हा।

<><><><><><>

VP-PB

उपराश्ट्रपति जगदीप धनखड़ होरें अज्ज उपराश्ट्रपति निवास पर प्रसार भारती दे चेयरमैन ते होरने सदस्यें दी ताल आली कमेटी दी प्रधानता कीती। प्रेस काउंसल ऑफ इंडिया दी अध्यक्ष जस्टिस रंजन प्रकाश देसाई ते सूचना ते प्रसारण मंत्रालय दे सचिव संजय जाजू होर बी इस बैठक च मजूद हे।

<><><><><><>

PM-Kerala

बीजेपी दे वरिष्ठ नेता ते प्रधानमंत्री नरेन्द्र मोदी होरें अज्ज केरल दे पथानामथिट्टा जिले च लोकसभा चुनां अभियान कार्यक्रम च हिस्सा लैता। इस

मौके पर प्रधानमंत्री होरें पथानामथिट्टा ते मवेलिक्कारा लोकसभा क्षेत्रें च एनडीए मेदवारें दे पक्ख च इक लक्ख थमां मते पार्टी कार्जकर्ताएं दी इक बैठक गी संबोधत कीता। बैठक च मोदी होरें आक्खेआ जे भाजपा औंदे लोकसभा चुनां च केरल थमां सीट जित्तोग। केरल च सत्तारूढ कम्युनिस्ट अगुवाई आली एलडीएफ ते कांग्रेस दी अगुवाई आले यूडीएफ पर हमला करदे होई उनें अगुगें आक्खेआ जे राज्य च लोकें गी भ्रष्टाचार ते अक्षमता मिां ग्रस्त सरकारें करी मुश्कलें दा सामना करना पवा'रदा ऐ। मगरा प्रधानमंत्री होर तेलंगाना आस्तै रवाना होई गे।

<><><><><><><>

President-PM Bhutan

राष्ट्रपति द्रौपदी मुर्मू होरें आक्खेआ ऐ जे भारत-भूटान दे कन्नै अपनी बक्ख-बक्ख खेत्तरें आली सांझ-भ्याली दी बड़ी कदर करदा ऐ ते एह भूटान दिएं प्राणिमिकताएं ते आसैं-मेदें मूजब जारी रौहग। उनें आक्खेआ जे दौनें मुखें मझाटै एह सांझेदारी ऊर्जा सैहयोग, विकास, लोकें-लोकें बश्कार संपर्क, बपार ते रास-पूंजी दे खेत्तरें तगर फैली दी ऐ। भूटान दे प्रधानमंत्री दाशो शेरिंग टोबगे होरें अज्ज राष्ट्रपति भवन च राष्ट्रपति मुर्मू हुंदे नै मलाटी कीती। बैठक दे दरान राष्ट्रपति होरें आक्खेआ जे भारत ते भूटान बश्कार तगड़े सरबंध न जेहड़े आपसी विश्वास, सद्भावना ते समझ पर आधारित न। उनें आक्खेआ जे बौद्ध धर्म दी सांझी-आध्यात्मिक विरासत, दौनें मुखें गी जोड़दी ऐ। राष्ट्रपति मुर्मू होरें आक्खेआ ऐ जे भूटान भरोसेमंद दोस्त ते भ्याल दे तौर पर भारत उप्पर भरोसा करी सकदा ऐ। उनें आक्खेआ जे भूटान दे लोकें दे समाजी-आर्थिक कल्याण ते समृद्धि लेई विकास च सैहयोग ते सांझेदारी भारत लेई सौभाग्य दी गल्ल ऐ।

<><><><><><><>

MEA-CAA

विदेश मंत्रालय नै आक्खेआ ऐ जे नागरिकता संशोधन कनून-2019 भारत दा अंदरूनी मामला ऐ ते एह भारत दी समावेशी परम्पराएं ते मनुक्खी अधिकारें दे प्रति लम्मी अवधि आली वचनबद्धता गी दर्शांदा ऐ। अज्ज नमीं दिल्ली च मीडिया गी संबोधत करदे होई मंत्रालय दे प्रवक्ता रणधीर जयसवाल होरें आक्खेआ जे एह कनून अफगानिस्तान, पाकिस्तान ते बंगलादेश दे हिंदु, सिक्ख, बौद्ध, जैन, पारसी ते ईसाई समुदायें कन्नै सरबंधत उत्पीड़ित अल्पसंख्यकें गी सुरक्षत आसरमा हासल करोआंदा ऐ, जेहड़ा 31 दिसम्बर 2014 जां ओहृदे शा पैहले भारत आए नफ। उनें इस गल्लै पर जोर दित्ता जे नागरिकता संशोधन कनून, नागरिकता देने आस्तै ऐ, नागरिकता संशोधन कनून दी अमलावरी पर अमरीका दे विदेश विभाग दे ब्यान पर श्री जायसवाल होरें आक्खेआ जे भारत दा संविधान अपने सब्बने नागरिकें गी धर्म दी आजादी दी गारंटी दित्ता ऐ। अल्पसंख्यकें दे कन्नै बवहार पर चैता दा कोई आधार नेई ऐ। वोट बैंक दी राजनीति लेई बिपदा च फसे दे लोकें दी मदाद लेई कुसै सराहनेजोग पैहल दे बारे च बचार नेई करना लोड़चदा।

<><><><><><>

MEA

विदेश मंत्रालय नै हैती च जारी स्थिति गी दिक्खदे होई 24 घंटे आस्तै इक नियंत्रण कक्ष स्थापिता कीता ऐ। नियंत्रण कक्ष स्थिति दी निगरानी रक्खोग ते जानकारी ते सहायता प्रदान करोग। नमीं दिल्ली च मीडिया गी जानकारी दिंदे होई मंत्रालय नै प्रवक्ता रणधीर जयसवाल होरें आक्खेआ जे डोमिनिकन गणराज्य दे सैंटो डोमिंगो च भारतीय दूतावास नै इक आपातकालीन हैल्पलाइन बी स्थापत कीती ऐ। उनें गलाया जे हैती च 50 थमां 80 भारतीय समुदाय दे सदस्य हे। प्रवक्ता नै आक्खेआ ऐ जे देतावास उनें सब्बने दे संपर्क च ऐ ते मंत्रालय स्थिति पर नजर रक्खा'रदा ऐ। नियंत्रण कक्ष कन्नै संपर्क आस्तै इक टोल फ्री नंबर बी जारी कीता गेआ ऐ। नंबर ऐ 1800118797, एहदे इलावा टैलीफोन हैल्पलाइन नंबर ते इक वट्सऐप नंबर बी जारी कीता गेआ ऐ। 011-23012113,

011-23014104, 011-23017905। वट्सऐप नंबर ऐ 91-9968291988
situationroom@mea.gov.in इसदे अलावा सैंओ डोमिंगो च भारतीय दूतावास
आस्सेआ स्थापत 24 घैंटे दी आपातकालीन हैल्पलाइन पर बी राबता कीता जाई
सकदा ऐ। प्लस1(849) 398-9889, प्लस1(809)870-3923 प्लस1(849)
507-7612।

<><><><><><>

Annoucement

आकाशवाणी समाचार सेवा प्रभाग आस्सेआ अनुभवी मेदवारें थमां एडीटोरियल
एक्ज़ीक्यूटिव ते एनआरटी लेई दरखास्ता मंगियां गेइयां न। एह् भर्थी अनुबंध दे
आधार पर होग ते इनें मेदवारें गी मुल्ख भरै दे बक्ख-बक्ख क्षेत्रीय समाचार
इकाइएं च कम्म करना होगं एह्दे बारे वयापक जानकारी [newsonair.gov.in /
vacancies](http://newsonair.gov.in/vacancies) पर उपलब्ध ऐ। इस बारे आवेदन करने दी खरी तरीक 19 मार्च
2024 ऐ।

<><><><><><>